

Bosna i Hercegovina
Federacija Bosne i Hercegovine
Zeničko-dobojski kanton
OPĆINA VAREŠ
OPĆINSKO VIJEĆE



Broj: 01-86/25
Vareš, 27.03. 2025. godine

Z A P I S N I K
sa 4. sjednice Općinskog vijeća Vareš,
održane 28.02. 2025. godine

Predsjedavajući OV pozdravio je sve prisutne.

Prisutni vijećnici: Amela Mešić, Asim Balta, Asmir Čizmo, Dario Dodik, Denis Kovačević, Dževad Mahmutović, Edin Ibrišimović, Igor Hinger, Igor Šimić, Irma Rožajac, Malik Rizvanović, Nazif Hajrić, Nermin Hrvat, Nikola Šimić, Semir Memić, Srđan Franjić, Šaban Ibrišimović, Zdenko Franjić i Zdravko Barkić.

Odsutni: Nema.

Malik Rizvanović, predsjedavajući Općinskog vijeća Vareš konstatira da Vijeće može raditi jer ima kvorum za rad sjednice.

Predsjedavajući OV otvorio je 4. sjednicu s početkom u 14.30 sati u velikoj sali Općine Vareš.

Pored vijećnika sjednici prisustvuju: Općinski načelnik - Zdravko Marošević, sekretar OV - Mersad Đido, pomoćnici načelnika - Ermin Musa i Ibrahim Spahić, rukovodilac JURA - Rusmir Berberović, zamjenica komandira PS Vareš - Vesna Lukić i predstavnici medija.

Sekretar OV Mersad Đido izvijestio je prisutne da je na 3. sjednici OV održanoj 29.01. 2025. godine, Vijeće donijelo jedanaest (11) zaključaka. Tri (3) zaključka su realizovana, a osam (8) zaključaka su u toku realizacije. Postavljeno je jedanaest (11) vijećničkih pitanja. Na osam (8) pitanja dat je odgovor pisanim putem, a tri (3) pitanja su proslijeđena nadležnim na koja se čekaju odgovori.

Općinski načelnik Zdravko Marošević pod aktuelnim pitanjima nije imao obraćanje.

(Izjašnjavanje vijećnika o dobivenom odgovoru)

Dodik Dario

U vezi odgovora na pitanje broj 7 sa 3. sjednice Općinskog vijeća Vareš, postavio dopunsko pitanje: Da li se radi o privremenom odlaganju ili o trajnom odlaganju? (Pitanje uputiti JKP d.o.o.)

(Vijećnička pitanja i Inicijative)

Nazif Hajrić

1. S obzirom da je u prošlom sazivu OV pokrenuta Inicijativa za postavljenje video nadzora, na ulazu i izlazu iz grada, u kojoj je fazi realizacija ove Inicijative?

Igor Hinger

2. U zadnje vrijeme naši sugrađani dobijaju račune za električnu energiju koji su znatno veći nego uobičajeno, koliko ja znam nije došlo do poskupljenja. Pretpostavljam da se brojila ne očitavaju redovno, nego se po nekim pretpostavkama, ne znam na osnovu čega, upisuju određene količine potrošnje koja bude puno veća nego što inače i jeste. Zbog čega se tako obračunava i da li je to obračunavanje po zakonu? Da se očituju predstavnici Elektroprivrede Vareš.

Asmir Čizmo

3. Postavio bih nekoliko pitanja prema Elektroprivredi BiH, poslovnica Elektrodistribucija Vareš.
 - Zašto su računi za električnu energiju uvećani u odnosu na isti period ranijih godina?
 - Šta je mrežarina? (VT i MT)
 - Da li je u protekom periodu došlo do izmjene, a kako se sada obračunava?
 - Koliko je, procentualno, ukupni račun za električnu energiju (stavke: električna energija (VT, MT) + mrežarina (VT, MT) + zajedničko trošilo + obnovljivi izvori) poskupio u odnosu na period prije poskupljenja električne energije i izmjene obračuna mrežarine.Idealno bi bilo da nam date uporedni primjer na osnovu utrošenih 1000 KWh (prije/sada). Molimo vas da nam date što detaljnije objašnjenje kako bi naši građani imali jasniju sliku. Pitanje upućeno za Elektroprivredu BiH, poslovnica Elektrodistribucija Vareš.

Igor Šimić

4. „Moje pitanje se odnosi na komunikaciju općinske službe sa predsjednicima mjesnih zajednica. Već nekoliko dana zaprimam dojave da apsolutno ne postoji komunikacija, pogotovo kada se pojave javni pozivi na koje bi mogli predsjednici MZ da apliciraju ali nemaju osnovnih informacija. Znamo svi da većina tih predsjednika ili je starija i oni ne prate javne pozive ili društvene mreže preko kojih se oglašavaju različite organizacije. Zamolio bih službe da porade na obavješćavanju predsjednika mjesnih zajednica, kako bi mogli da apliciraju na javne pozive.“

5. Pitanje se odnosi na izgradnju autobusnog stajališta. Ako je moguće u narednom periodu da se izgrade autobuska stajališta. U slučaju da se to realizira imam odmah i prijedlog da se da u najam za oglašavanje i isplatiti će se dio tih sredstava.

Nermin Hrvat

6. Kada možemo očekivati čišćenje rigola u MZ Vareš Majdan? Nalaze se u jako lošem stanju, začepljeni su sa muljem, kamenjem i lišćem, treba ih očistiti da ne bi došlo do začepljenja šahtova.
7. Kod objekta „Partizan“ u Vareš Majdanu imamo dvije velike udarne rupe i gore prema ul. Planinarska prema JP „Veterinarska stanica“ d.o.o. Vareš. Kada možemo očekivati sanaciju udarnih rupa, da ne bi došlo do oštećenja motornih vozila?

Dario Dodik

8. Pitanje se odnosi na naplatu komunalnih taksi na firme. Ne znam da li su općinske službe upoznate, Ustavni sud je donio odluku kojom je ovu taksu proglasio „neosnovani nefiskalni namet“. Već nekoliko općina u Federaciji BiH je prestalo sa naplatom ove takse. Pitanje općinskoj službi, šta će biti kada mi krenemo sa tužbama da vratimo tu taksu, koštalo bi Općinu mnogo više nego trenutna naplata iste.
9. „Pitanje je upućeno Službi za prostorno uređenje i Općinskom načelniku. Ispred Komisije za obnovu i kapitalna ulaganja dostavljen je jedan upit, koliko je uloženo u infrastrukturu prošle godine u Varešu na lokalne puteve i ceste? Između ostalog u odgovoru koji je potpisan od strane općinskog načelnika, a dostavljen od općinske službe, stoji da je jedan iznos sredstava potrošen u rekonstrukciju i obnovu ul. Novakovići, a da je izvođač firma Mušinbegović d.o.o..
Ja odgovorno tvrdim da niti Mušinbegović d.o.o. niti bilo ko nije stavio niti lopatu asfalta u ul. Novakovići.
Tražim da mi se precizira koji je to iznos koji ste utrošili u obnovu ul. Novakovići?
Tražim da mi kažete koji iznos ste upisali u Izvještaju za budžet za ulicu u koju niste ništa uložili? Zašto je takav Izvještaj dat Komisiji za obnovu i kapitalna ulaganja?“

Nikola Šimić

10. Moje pitanje se odnosi na problematiku vezanu za trenutne aktivnosti JP ŠPD-a na prostoru MZ Borovica tj. na Osretku i pravcu ispod sela u Donjoj Borovici prema Lukama. Ovim putem pozivam komunalno-građevinsku inspektoricu, predstavnika mjesne zajednice Borovica i predstavnike JP ŠPD-a da izađu na teren i sačine Zapisnik o trenutnom stanju i kakvo stanje trebaju ostaviti prilikom završetka poslova.

Edin Ibrišimović

11. Upoznat sam sa činjenicom da Općina Vareš sufinansira učenike vozače u iznosu od 50% od ukupne visine dažke karte. Predlažem da sufinansiranje za učenike vozače bude 80% – 100%, značilo bi roditeljima, a nemamo mnogo ni djece u našim mjesnim zajednicama. Pitanje upućeno Općinskom načelniku ili nadležnoj službi.

Semir Memić

12. Da li Općina Vareš planira uraditi nešto po pitanju izgradnje novih stambenih objekata? Naši mladi ljudi bi kupili, pošto ove trenutne cijene stanova su enormno visoke za naš standard.
13. Postoji projekat da se radi rasvjeta u MZ Neprivaj i Donji Neprivaj i do škole u Slivnu. Zanima me u kojoj je fazi taj projekat?

Inicijative

Dario Dodik

1. Inicijativa za pokretanje neovisne analize od Općine Vareš kako otpada na gradskoj deponiji Kota tako i eventualno privremene deponije jalovine na Veovači između MZ Daštansko i MZ Pržići.
(Inicijativa podnesena usmenim putem)

Šaban Ibrišimović

2. Inicijativa o pokretanju procedure izrade projektne dokumentacije za sanaciju lokalne ceste Luke–Dragovići–Mijakovići u dužini od 3,2 km i izgradnju i modernizaciju dionice lokalnog puta u MZ Kokošćići od Doma kulture do novoizgrađene područne škole u dužini od 300 m.
(Inicijativa podnesena pisanim putem)

Igor Šimić

3. Inicijativa o uvođenju digitalnog glasanja na sjednicama OV i elektronske dostave materijala za sjednice OV.
(Inicijativa podnesena usmenim putem)

Predsjedavajući OV stavio je na raspravu Zapisnik sa 3. sjednice OV.

Nije bilo učesnika i predsjedavajući OV stavio je na izjašnjavanje Zapisnik sa 3. sjednice OV i nakon izjašnjavanja vijećnika konstatuje da je **sa 19 glasova „ZA“ usvojen Zapisnik sa 3. sjednice OV.**

Predsjedavajući OV stavio je na raspravu prijedlog dnevnog reda 4. sjednice OV koji je usaglašen na Kolegiju Općinskog vijeća.

Nije bilo učesnika i predsjedavajući OV stavio je na izjašnjavanje prijedlog dnevnog reda **4. sjednice OV** i nakon izjašnjavanja vijećnika konstatuje da je **sa 19 glasova „ZA“ usvojen sljedeći**

Dnevni red

1. Informacija o radu Policijske stanice Vareš sa ocjenom stanja bezbjednosti za 2024. godinu.
Izvjestilac: PS Vareš
2. Prijedlog Programa rada Općinskog načelnika za 2025. godinu.
Izvjestilac: Općinski načelnik
3. Prijedlog Programa rasporeda i utroška planiranih sredstava ostvarenih po osnovu posebne naknade za zaštitu od prirodnih i drugih nesreća namijenjenih za provođenje preventivnih mjera u 2025. godini.
Izvjestilac: Ibrahim Spahić
4. Prijedlog Odluke o prodaji nekretnine neposrednom pogodbom radi oblikovanja građevinske čestice.
Izvjestilac: Ermin Musa
5. Prijedlog Odluke o povjeravanju na upravljanje i raspolaganje opremom za prikupljanje otpada JKP d.o.o. Vareš.
Izvjestilac: Ermin Musa
6. Prijedlog Odluke o raspisivanju izbora za članove savjeta mjesnih zajednica na području općine Vareš.
Izvjestilac: Rusmir Berberović
7. Prijedlog Rješenja o imenovanju Komisije za utvrđivanje rezultata izbora za članove savjeta mjesnih zajednica na području općine Vareš.
Izvjestilac: Rusmir Berberović
8. Tekuća pitanja.

Ad. 1.

(Informacija o radu Policijske stanice Vareš sa ocjenom stanja bezbjednosti za 2024. godinu)

Otvorena je rasprava u kojoj su učestvovali vijećnici: Igor Hinger (u svom obraćanju postavio je pitanja u vezi krivičnih djela „protiv okoliša“, vrijeđanja po društvenim mrežama, oštećenju društvene imovine prilikom saobraćajnih nesreća i inicijativi za uvođenje video nadzora, skrenuo pažnju na odgovor PS Vareš u vezi problema iznošenja blata na ceste i pretovara kamiona), Dario Dodik (iznio svoje mišljenje u vezi izdavanja prekršajnih kazni za pogrešno parkiranje, smatra da je i Općina odgovorna jer po Odluci o parking prostorima bila je u obavezi izvršiti iscrtavanje parking mjesta, ukazao je na problem neodržavanja regionalnih cesta od nadležne firme), Zdravko Barkić (uz pojašnjenje predložio je da se uputi Zaključak OV u kome se skreće pažnja PS Vareš i djelatnicima da ne rade selektivno kažnjavanje za parkiranje, predložio je inicijativu da se igralište u centru grada izmjesti na prostor „Bazena“ sa mogućnošću izgradnje sportsko-rekreacionog centra, a da se na prostoru gdje je sadašnje igralište naprave garažna mjesta), Denis Kovačević (uz pojašnjenje postavio pitanje kakva je statistika za 2025. godinu kad su u pitanju određeni prekršaji), Nazif Hajrić (uz pojašnjenje ukazao je na potrebu da se što prije uvede video nadzor) i Semir Memić (izrazio je nezadovoljstvo na rad određenih djelatnika PS Vareš i o istom je dao pojašnjenje).

Zamjenica komandira PS Vareš Vesna Lukić u svom obraćanju dala je dodatna pojašnjenja i odgovore na postavljena pitanja vijećnika u raspravi.

U daljnjoj raspravi su učestvovali vijećnici: Dario Dodik (replika), Nermin Hrvat, Edin Ibrišimović, Semir Memić (replika), Malik Rizvanović i Igor Hinger.

Zaključena je rasprava i predsjedavajući OV konstatuje da je **Vijeće primilo k znanju**

***Informaciju o radu Policijske stanice Vareš sa
ocjenom stanja bezbjednosti za 2024. godinu.***

Ad. 2.

(Prijedlog Programa rada Općinskog načelnika za 2025. godinu)

Izjestilac nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici: Zdravko Barkić (*predložio je da ubuduće sa Prijedlogom Budžeta Općine Vareš, Vijeće razmatra i Program rada Općinskog načelnika*), Dario Dodik (*predložio je da se u Prijedlog Programa rada Općinskog načelnika za 2025. godinu uvrste stavke "izgradnja parkinga na kraju ulice. Put mira" i "uvođenje trezorskog poslovanja"*), Denis Kovačević (*uz pojašnjenje predložio je da se u buduće u Programu kod navedenih projekata unesu i podaci koliko sredstava je planirano, da li je urađena projektna dokumentacija za iste, početak radova i sl.*), Općinski načelnik Zdravko Marošević (*dao pojašnjenja i odgovore na postavljena pitanja*), Dario Dodik (replika), Zdravko Barkić (replika) i Malik Rizvanović (*podsjetio je prisutne da je Vijeće u ranijem periodu donijelo Odluku o pokretranju aktivnosti za prelazak na trezorsko poslovanje i Odluku o parking prostoru za motorna vozila*).

Zaključena je rasprava i predsjedavajući OV stavio je na izjašnjavanje prijedlog vijećnika Dodik Daria da se u Prijedlog Programa rada Općinskog načelnika za 2025. godinu uvrsti i stavka "**izgradnja parkinga na kraju ulice Put mira**".

Nakon izjašnjavanja vijećnika, predsjedavajući OV konstatuje da sa **3 glasa „ZA“, 6 glasova „PROTIV“ i 10 „SUZDRŽANIH“ glasova prijedlog nije usvojen.**

Predsjedavajući OV stavio je na izjašnjavanje prijedlog vijećnika Dodik Daria da se u Prijedlog Programa rada Općinskog načelnika za 2025. godinu uvrsti i stavka "**uvođenje trezorskog poslovanja**".

Nakon izjašnjavanja vijećnika, predsjedavajući OV konstatuje da sa **3 glasa „ZA“, 9 glasova „PROTIV“ i 7 „SUZDRŽANIH“ glasova prijedlog nije usvojen.**

Predsjedavajući OV stavio je na izjašnjavanje Prijedlog Programa rada Općinskog načelnika za 2025. godinu u formi koja je dostavljena Vijeću i nakon izjašnjavanja vijećnika konstatuje da je sa **16 glasova „ZA“, 2 glasa „PROTIV“ i 1 SUZDRŽANIM“ glasom usvojen**

Program rada Općinskog načelnika za 2025. godinu

Predsjedavajući OV dao je pauzu u trajanju od 15 minuta.
Nastavljeno je sa radom sjednice.

Ad. 3.

(Prijedlog Programa rasporeda i utroška planiranih sredstava ostvarenih po osnovu posebne naknade za zaštitu od prirodnih i drugih nesreća namijenjenih za provođenje preventivnih mjera u 2025. godini)

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Programa rasporeda i utroška planiranih sredstava ostvarenih po osnovu posebne naknade za zaštitu od prirodnih i drugih nesreća namijenjenih za provođenje preventivnih mjera u 2025. godini.

Nakon izjašnjavanja vijećnika, predsjedavajući OV konstatuje da je sa **19 glasova „ZA“** usvojen

Program rasporeda i utroška planiranih sredstava ostvarenih po osnovu posebne naknade za zaštitu od prirodnih i drugih nesreća namijenjenih za provođenje preventivnih mjera u 2025. godini

Ad. 4.

(Prijedlog Odluke o prodaji nekretnine neposrednom pogodbom radi oblikovanja građevinske čestice)

Komisija za statutarne pitanja i propise na 2. sjednici održanoj 25.02. 2025. godine jednoglasno je donijela sljedeći Zaključak:

- Komisija nema primjedbi na Prijedlog Odluke o prodaji nekretnine neposrednom pogodbom radi oblikovanja građevinske čestice i isti upućuje Vijeću na razmatranje i usvajanje.

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Odluke o prodaji nekretnine neposrednom pogodbom radi oblikovanja građevinske čestice.

Nakon izjašnjavanja vijećnika, predsjedavajući OV konstatuje da je sa **19 glasova „ZA“** usvojena

Odluka o prodaji nekretnine neposrednom pogodbom radi oblikovanja građevinske čestice

Ad. 5.

(Prijedlog Odluke o povjeravanju na upravljanje i raspolaganje opremom za prikupljanje otpada JKP d.o.o. Vareš)

Komisija za statutarne pitanja i propise na 2. sjednici održanoj 25.02. 2025. godine jednoglasno je donijela sljedeći Zaključak:

- Komisija prihvata Prijedlog Odluke o povjeravanju na upravljanje i raspolaganje opremom za prikupljanje otpada JKP d.o.o. Vareš i isti upućuje Vijeću na razmatranje i usvajanje.

Izvjestilac nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici: Dodik Dario (*dao je napomenu zbog građana da Općina 3-4 puta godišnje povjerava JKP na upravljanje razne strojeve i opremu i da JKP d.o.o. Vareš sa tim strojevima zarađuje na tržištu, uz pojašnjenje iznio je mišljenje da JKP d.o.o. Vareš mora promijeniti politiku prema Općini*) i Zdravko Barkić (*uz pojašnjenje izjavio da Vijeće treba voditi računa prilikom delegiranja članova u organe upravljanja JKP d.o.o. Vareš kako bi članovi kvalitetno zastupali interese Općine*).

Zaključena je rasprava i predsjedavajući OV stavio je na izjašnjavanje Prijedlog Odluke o povjeravanju na upravljanje i raspolaganje opremom za prikupljanje otpada JKP d.o.o. Vareš.

Nakon izjašnjavanja vijećnika, predsjedavajući OV konstatuje da je sa **19 glasova „ZA“ usvojena**

***Odluka o povjeravanju na upravljanje i raspolaganje
opremom za prikupljanje otpada JKP d.o.o. Vareš***

Ad. 6.

***(Prijedlog Odluke o raspisivanju izbora za članove
savjeta mjesnih zajednica na području općine Vareš)***

Komisija za statutarna pitanja i propise na 2. sjednici održanoj 25.02. 2025. godine jednoglasno je donijela sljedeći Zaključak:

- Komisija prihvata Prijedlog Odluke o raspisivanju izbora za članove savjeta mjesnih zajednica na području općine Vareš i isti upućuje Vijeću na razmatranje i usvajanje.

Izjavitelj nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici: Zdravko Barkić (*iznio je svoje lično mišljenje i utiske o problemima u mjesnim zajednicama, uz pojašnjenje izjavio je da je potrebno uraditi analizu sadašnjih mjesnih zajednica i izvršiti objedinjavanje pojedinih mjesnih zajednica*), Dario Dodik (*uz pojašnjenje upoznao javnost o terminu održavanja izbora*), rukovodilac službe Rusmir Berberović (*uz pojašnjenje je izjavio da podržava prijedlog vijećnika Barkića za potrebu analize mjesnih zajednica a sve u svrhu objedinjavanja pojedinih MZ i naknada za rad predsjednika*), predsjedavajući OV Malik Rizvanović (*podržava prijedlog vijećnika Barkića, uz pojašnjenje sugerisao je vijećnicima da se svi u svojim mjesnim zajednicama aktivno uključe u proces izbora*) i Šaban Ibrišimović (*izjavio je da godišnju naknadu za tekuće troškove mjesnih zajednica u iznosu od 500 KM Mjesna zajednica Dragovići u proteklih 8 godina nije iskoristila*).

Zaključena je rasprava i predsjedavajući OV stavio je na izjašnjavanje Prijedlog Odluke o raspisivanju izbora za članove savjeta mjesnih zajednica na području općine Vareš i nakon izjašnjavanja vijećnika konstatuje da je sa **18 glasova „ZA“** (odsutna vijećnica Amela Mešić) **usvojena**

***Odluka o raspisivanju izbora za članove
savjeta mjesnih zajednica na području općine Vareš.***

Ad. 7.

(Prijedlog Rješenja o imenovanju Komisije za utvrđivanje rezultata izbora za članove savjeta mjesnih zajednica na području općine Vareš)

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Rješenja o imenovanju Komisije za utvrđivanje rezultata izbora za članove savjeta mjesnih zajednica na području općine Vareš.

Nakon izjašnjavanja vijećnika, predsjedavajući OV konstatuje da je sa **18 glasova "ZA"** (odsutna vijećnica Amela Mešić) **usvojeno**

Rješenje o imenovanju Komisije za utvrđivanje rezultata izbora za članove savjeta mjesnih zajednica na području općine Vareš.

Ad. 8.

(Tekuća pitanja)

1. Očitovanje Općinskog načelnika u vezi problematike odlaganja jalovinskog i rudnog materijala na lokalitetu Veovača broj: 02-219/25 od 03.02.2025. godine, a po Zahtjevu mjesnih zajednica Pržići, Daštansko i Mir sa prošle sjednice OV u vezi navedene problematike.
2. Izvještaj o zimskom održavanju lokalnih puteva, ulica, trotoara i stepeništa za mjesec januar 2025. godine broj: 02/3-254/25 od 14.02. 2025. godine. Izvještaj dostavljen po Zaključku Vijeća.
3. Zahtjev za sazivanje tematske sjednice OV Vareš radi razmatranja aktuelne problematike na području mjesnih zajednica Pržići, Daštansko i Mir i djelovanja kompanije Adriatic Metals BH d.o.o., te deponije flotacijske jalovine na površinskom kopu Veovača 2.

Nakon rasprave i na osnovu stava Kolegija OV koji je razmatrao navedeni Zahtjev, predsjedavajući OV predložio je i stavio na izjašnjavanje sljedeći

Zaključak

I

Zadužuje se predsjedavajući Općinskog vijeća Vareš da u roku od 30 dana organizuje sastanak Kolegija Općinskog vijeća Vareš sa predsjednicima mjesnih zajednica Pržići, Daštansko i Mir, predstavnikom kompanije Adriatic Metals BH d.o.o., predstavnikom Općine Vareš i predstavnikom nadležne općinske službe.

II

Na sastanku iz tačke 1. ovog Zaključka razmatrat će se djelovanje kompanije Adriatic Metals BH d.o.o. na području navedenih mjesnih zajednica, odlaganje flotacijske jalovine na površinskom kopu „Veovača 2“ te stanje saobraćajnice na dionici Vijadukt–Daštansko.

III

Sastanak će se održati u prostorijama MZ Pržići.

IV

Kolegij OV će Općinskom vijeću Vareš dostaviti izvještaj sa održanog sastanka.

V

Zaključak stupa na snagu danom donošenja.

Nakon izjašnjavanja vijećnika, predsjedavajući OV konstatuje da je sa **19 glasova „ZA“ usvojen predloženi Zaključak.**

Predsjedavajući OV uputio je čestitke građanima islamske vjeroispovijedi povodom nastupanja mjeseca Ramazana i građanima katoličke vjeroispovijedi povodom nastupanja Korizme.

Sjednica je završena u 17.45 sati.

Sastavni dio ovog Zapisnika je audio zapis sjednice.



**SEKRETAR
OPĆINSKOG VIJEĆA**

Mersad Dido
Mersad Dido

ZAPISNIČAR

Azra Pijadžer
Azra Pijadžer

**PREDSJEDAVAJUĆI
OPĆINSKOG VIJEĆA**

Malik Rizvanović
Malik Rizvanović